

Signalura thaj simptomura

Meningit:

- uči jag
- but zoralı şereskidukh
- çhagdipe
- morcome men
- bibeşıpe ande zoralı lumina
- ekzema
- konfuzija, delirium
- zoralo lindralipe, gogižanimasko xasaripe
- teleperimata (konvulzije)

Septicemija:

- uči jag thaj izdrape
- çhagdipe
- zoralo dukha ande vasta thaj pyrne thaj kokaleske astarina
- but şudre vasta thaj pyrne
- parniçavo aj petnjavali morkhi
- sigjarno phurdipe (airolipe, dişıpe)
- diarija thaj gijoske (stomakoske) dukha
- Lolo aj lilavo 'vynetime' aj petnjavali ekzema petnjavenca save ni parnjavon telal kikidipe – ker e žamosko testo savo si sikavdo pe e avertı rig. Pe kalori morkhi, dikh andral e jakhengi morkhi aj e gor e mujeski kajte e petnjave şaj dikhindon majbut
- pharo phiripe aj terdžope (pyrneuştıpe)
- zoralo lindralipe, gogižanimasko xasaripe

Na sakekh ka sikavel sa kadala simptomura – von ka sikavdon pe ande sisavo ordero (ryndo) thaj ka aven uşande (miksime) maşkar e duj nasvalimata. Vastno si te rodes avinalo (rano) medikano gogidipe te tut aj kire amale si tumen simptomura savenge si tumen sama aj si tume ekh sastimasko problemı savo sigate bilaçhavol.

Ker siguro kaj tu, kiri familija thaj kire amala len sama (grıža) ekh avereske thaj khajekh (varekon) žanel te tuke si bilaçhe te von şaj len sama tuke. Kadava şaj skepil kiro trajo (životo)!

Majbute informacijake kontaktisar:

Meningit Rodimaski Fondacija / Meningitis Research Foundation

bilovali dumodimaski (žitimaski, pomožimaski)
linija 0808 80 03 344

www.meningitis.org

Meningit Akana / Meningitis Now

24 satonengi dumodimaski linija
0808 80 10 388

www.meningitisnow.org

Dumodimaske linkura:

- www.nhs.uk/conditions/meningitis
- www.nhs.uk/vaccinations
- www.nhs.uk/conditions/vaccinations/men-acwy-vaccine



UK Health
Security
Agency



© Crown copyright 2023
Product code IM23DISL1ROM Romany. 1P 30k AUG 2023 (APS).
UK Health Security Agency gateway number: 2023-381

Kadava buletino şaj lindol pe sar brail, versija Loko Ginipe, semplo teksto, BSL video thaj si çhibboldo (tradıçime, dolmaçime, prevedime) ande 28 çhiba. Kamas tutar te žas ka www.healthpublications.gov.uk te komandis kire kopija agives aj akhar 0300 123 1002




UK Health
Security
Agency



O Meningit thaj e septicemija

Na ignorisar e signalura



immunisation
the safest way to protect your health

Av žanglo, av resavdo (pregotime)

O meningokokal meningit (šuvlipe vaš e gogjaki morkhi thaj e zejako kokalo) thaj e septicemija (rateski intoksikacija) si cyravarale ama zorale nasvalimata save šaj mudaren aj mukhen manušen trajo-averimaske bangimatonenca thaj sastimaske problemonenca. E duj o meningit thaj e septicemija šaj resen ži ka sepsis.

Terminata, thaj specialno studentura ando universiteto, si ande o majbaro risiko. Ama tu šaj garaves tut mamujal štar tipura andar o meningokokal nasvalipe kaj keres tuke kiri bilovali MenACWY vaksina.

Garav tut e MenACWY vaksinas

Majbut andar e ternimata thaj terne barežene ando Kidindo Thagaripe (KT) / UK kon si bijande katar o septembro 1996-to berš sas lenge dindi e MenACWY vaksina žikana von sas ande škola ama von ačhen te keren la peske žikana keren 25 berš. Avrijal themale studentura kon ekhtone dromeske andreden ande ekh universiteto ande o KT thaj kaske naj lenge kerdi e MenACWY vaksina i von si kualificime ži ka pesko 25-to bijando berš. Te tu peres ande ekh andar kadala duj grupe thaj inke ni kerdan tuke e vaksina rezervi tuke sato ande kire sastaravneski klinika akana. Te tu san bisiguro dumade kadava kire sastravneske klinikasa.

E MenACWY vaksina si but efektivno ande o preventipe vaš o meningokokal meningit thaj e septicemija save si andinde katar MenA, MenC, MenW thaj MenY.

Ama na bistar kaj kadaja **vaksina našti preventil sa e forme andar o meningit thaj e septicemija.** Tha si but vastno (važno, importa) kaj tu žanes kadale signalonenge thaj simptomenge.



Kontrolisar butvar (regularno) sakone ekhe kaske si leske bilače, tu šaj skepis ekh trajo



Žang e signalura thaj e simptomura andar o meningit thaj e septicemija



E žamosko testo

Kikide zoraleste e rig e taxtajaki (bokalaki, poxaraki) mamujal e ekzema te šaj tu dikhes te voj parnjavol telal kikidi. Te voj ni parnjavol, mang medikano dumodipe momentalno. Te tu seres tut but bilače, mang dumodipe date gadava, date i e ekzema te parnjavol aj xić ni sikavdol pe.

Save si e signalura thaj e simptomura?

But andar kadala avinale signalura – čhagdipe, uči jag, dukha, normalno khinsipe thaj šereskedukha – si i von signalura vaš majcyra seriozne nasvalimata sar o šylalipe thaj e gripa. Ama khajekh kas si le meningit aj septicemija ka principno ačhel seriozno nasvalo ande khajekh satura.

Kadava si soske si but vastno te lungjavos te kontroliris khajekhe kon si nasvalo te žanes te von len te sigate majbilačhavon thaj te lungjavos te rodes signalura thaj simptomura. Sigate rode medikano dumodipe te tu ačhes samalindo (grizalindo) lenge aj kire sastimaske.

Vastno si te dikhes te si len šudre vasta thaj pyrne, zorali pyrneski aj vasteski dukh aj petnjavali morkhi, soske kadala principno sikavdon pe anglal aver ande o nasvalipe. Simptomura sar e ekzema save ni parnjavon (ker e žamosko tesko savo si sikavdo pe e averta rig), kadava kaj san konfuzime aj ando delirium, aj san but sovljardo te žungados si but seriozne.

Sar o meningit si phiravdo pe aver?

E bakterija savi anel kadala nasvalimata si principno phiravdi via pašutno aj lungo kontakto. Majbut andar e kazusura ačhen individualno ama rednjave (epidemije) khajekh droma sikavdon ande škole aj kajte e manuša ulaven than trajimasko, sar e universitetoske zale.

Ker tuke kiri MenACWY vaksina ande kiri sastaravneski klinika. Ande khajekh rajonura voj šaj lel pe andar kiri farmacija (apteka).